

# Y Pwyllgor Is-ddeddfwriaeth

## Adroddiad (SLC(3) 02-08)

**Dyddiad y: 29 Ionawr 2008**

**Amser y : 8.15am**

**Lleoliad y : Ystafell Bwyllgora 3, y Senedd**

### Cylch gwaith:

Cylch gwaith y Pwyllgor yw:-

1. Yn ddarostyngedig i Reol Sefydlog 15.7, rhaid i'r Pwyllgor ystyried pob offeryn statudol neu offeryn statudol drafft y mae unrhyw ddeddfiad yn ei gwneud yn ofynnol iddo gael ei osod gerbron y Cynulliad a chyflwyno adroddiad ar a ddylai'r Cynulliad roi sylw arbennig i'r offeryn neu'r drafft ar unrhyw un o'r seiliau canlynol:

(i) ei bod yn ymddangos bod amheuaeth a yw "intra vires";

(ii) ei bod yn ymddangos ei fod yn gwneud defnydd anarferol neu annisgwyl ar y pwerau a roddwyd gan y deddfiad y mae wedi'i wneud neu y mae i'w wneud odano;

(iii) bod y deddfiad sy'n rhoi'r pŵer i'w wneud yn cynnwys darpariaethau penodol sy'n ei eithrio rhag cael ei herio yn y llysoedd;

(iv) ei bod yn ymddangos bod iddo effaith ôl-weithredol lle nad yw'r deddfiad sy'n ei awdurdodi yn rhoi awdurdod pendant ar gyfer hyn;

(v) bod angen eglurhad pellach ynglŷn â'i ffurf neu ei ystyr am unrhyw reswm penodol;

(vi) ei bod yn ymddangos bod gwaith drafftio'r offeryn neu'r drafft yn ddiffygiol neu ei fod yn methu â bodloni gofynion statudol;

(vii) ei bod yn ymddangos bod anghysondebau rhwng ystyr testun Cymraeg a thestun Saesneg yr offeryn neu'r drafft;

(viii) bod yr offeryn neu'r drafft yn defnyddio iaith ryw-benodol;

(ix) nad yw wedi'i wneud neu i'w wneud yn Gymraeg ac yn Saesneg;

(x) ei bod yn ymddangos bod oedi na ellir ei gyfiawnhau wedi bod wrth ei gyhoeddi neu wrth ei osod gerbron y Cynulliad; neu

(xi) ei bod yn ymddangos bod oedi na ellir ei gyfiawnhau wedi bod wrth anfon hysbysiad o dan adran 4(1) o Ddeddf Offerynnau Statudol 1946, (fel y'i haddaswyd).

2. Yn ddarostyngedig i Reol Sefydlog 15.7, caiff y Pwyllgor ystyried a chyflwyno adroddiad ar a ddylai'r Cynulliad roi sylw arbennig i unrhyw offeryn statudol neu offeryn statudol drafft y mae unrhyw ddeddfiad yn ei gwneud yn ofynnol iddo gael ei osod gerbron y Cynulliad ar unrhyw un o'r seiliau canlynol:

(i) ei fod yn codi tâl ar Gronfa Gyfunol Cymru neu ei fod yn cynnwys darpariaethau sy'n ei gwneud yn ofynnol i daliadau gael eu gwneud i'r Gronfa honno neu i unrhyw ran o'r llywodraeth neu i unrhyw awdurdod lleol neu gyhoeddus yn gydnabyddiaeth am unrhyw drwydded neu gydsyniad neu am unrhyw wasanaethau sydd i'w rhoi, neu ei fod yn rhagnodi swm unrhyw dâl neu daliad o'r fath;

(ii) ei fod o bwysigrwydd gwleidyddol neu gyfreithiol neu ei fod yn codi materion polisi cyhoeddus sy'n debyg o fod o ddiddordeb i'r Cynulliad;

(iii) ei fod yn amhriodol oherwydd newid yn yr amgylchiadau ers i'r deddfiad y mae wedi'i wneud neu y mae i'w wneud odano gael ei basio neu ei wneud ei hun;

(iv) ei fod yn rhoi deddfwriaeth yr Undeb Ewropeaidd ar waith yn amhriodol; neu

(v) nad yw'n gwireddu ei amcanion polisi yn berffaith.

3. Rhaid i'r Pwyllgor gyflwyno unrhyw adroddiad o dan Reol Sefydlog 15.2 neu 15.3 mewn perthynas ag unrhyw offeryn statudol neu offeryn statudol drafft heb fod yn fwy nag 20 diwrnod ar ôl i'r offeryn neu'r drafft gael ei osod.

4. Wrth gyfrifo unrhyw gyfnod o ddyddiau at ddibenion Rheol Sefydlog 15.4, rhaid peidio â chymryd i ystyriaeth unrhyw amser pryd y bydd y Cynulliad wedi'i ddiddymu neu ar doriad am fwy na 4 diwrnod.

5. Yn ddarostyngedig i 15.7, caiff y Pwyllgor ystyried y canlynol hefyd a chyflwyno adroddiadau arnynt:

(i) unrhyw is-ddeddfwriaeth arall a osodir gerbron y Cynulliad;

(ii) pa mor briodol yw darpariaethau mewn Mesurau Cynulliad arfaethedig ac mewn Mesurau ar gyfer Deddfau Senedd y Deyrnas Unedig sy'n rhoi pwerau i wneud is-ddeddfwriaeth i Weinidogion Cymru, Prif Weinidog Cymru neu'r Cwnsler Cyffredinol;

(iii) canlyniadau gorchmynion drafft o dan Ran 1 o Ddeddf Diwygio Deddfwriaeth a Rheoliadau 2006 ar gyfer deddfwriaeth sy'n ddarostyngedig i ystyriaeth yn y Cynulliad;

(iv) defnydd Gweinidogion Cymru ar bwerau cychwyn; neu

(v) unrhyw fater deddfwriaethol gyffredinol ei natur sy'n ymwneud â chymhwysedd y Cynulliad neu gymhwysedd Gweinidogion Cymru.

6. Ni chaiff y Pwyllgor ystyried:

(i) unrhyw orchymyn cymhwysedd deddfwriaethol drafft; na

(ii) unrhyw offeryn statudol neu offeryn statudol drafft y mae'n ofynnol ei osod gerbron Senedd y Deyrnas Unedig.

#### **Aelodau:**

Aelodau presennol y Pwyllgor yw:

Dr Dai Lloyd AC (Cadeirydd)

Eleanor Burnham AC

Andrew RT Davies AC

Alun Davies AC

Paul Davies AC

Irene James AC

Sandy Mewies AC

Janet Ryder AC

Karen Sinclair AC

#### **Cynghorwyr Cyfreithiol:**

Gwyn Griffiths

Joanest Jackson

#### **Y Tîm Clercod:**

##### **Clerc y Pwyllgor:**

Anna Daniel

##### **Dirprwy Glerc y Pwyllgor :**

Olga Lewis

##### **Swyddogion Cymorth Gweinyddol :**

Hasera Khan

Runa Haque

##### **Sut i gysylltu â ni:**

Os hoffech ddod i gyfarfod Pwyllgor y Cynulliad, mae angen archebu sedd ymlaen llaw, naill ai drwy ffonio:

**Llinell Archebu'r Cynulliad: 029 2089 8477**

Neu drwy anfon e-bost i a

rchebu@cymru.gsi.gov.uk

Gallwch gysylltu â'r pwyllgor drwy anfon e-bost i:

Legislation.comm@wales.gsi.gov.uk

**Neu gallwch siarad ag Anna Daniel, y Clerc ar 029 2089 8164.**

#### **CYNNWYS**

Cyfarfu'r Pwyllgor ar 29 Ionawr 2008. Roedd yr Aelodau Pwyllgor a ganlyn yn bresennol yn y cyfarfod: Dr Dai Lloyd AC, Eleanor Burnham AC, Andrew RT Davies AC, Alun Davies, Paul Davies AC, Irene James AC, Sandy Mewies AC a Janet Ryder AC.

Mae adroddiadau'r Pwyllgor i'r Cynulliad fel a ganlyn:

### **Offerynnau ac offerynnau drafft na fydd y Cynulliad yn cael ei wahodd i roi sylw arbennig iddynt o dan Reol Sefydlog 15.2**

#### **Offerynnau sy'n agored i gael eu dirymu yn unol â phenderfyniad gan y Cynulliad (y weithdrefn negyddol)**

SLC93 - Rheoliadau Sŵn Amgylcheddol (Nodi Ffynonellau Sŵn) (Cymru) 2007

Y weithdrefn negyddol. Fe'u gwnaed ar 13 Rhagfyr 2007. Fe'u gosodwyd ar 17 Rhagfyr 2007. Yn dod i rym ar 9 Ionawr 2008.

SLC99 - Rheoliadau Grantiau Dysgu'r Cynulliad (Sefydliadau Ewropeaidd) (Cymru) 2008

Y weithdrefn negyddol. Fe'u gwnaed ar 8 Ionawr 2008. Fe'u gosodwyd ar 10 Ionawr 2008. Yn dod i rym ar 1 Chwefror 2008.

SLC100 - Rheoliadau Defnyddiau ac Eitemau Plastig mewn Cyffyrddiad â Bwyd (Gasgedi mewn Caeadau) (Cymru) 2008

Y weithdrefn negyddol. Fe'u gwnaed ar 14 Ionawr 2008. Fe'u gosodwyd ar 16 Ionawr 2008. Yn dod i rym ar 8 Chwefror 2008.

#### **Offerynnau y bydd y Cynulliad yn cael ei wahodd i dalu sylw arbennig iddynt o dan Reol Sefydlog 15.3**

##### **Offerynnau sy'n agored i gael eu dirymu yn unol â phenderfyniad gan y Cynulliad (y weithdrefn negyddol)**

SLC93 - Rheoliadau Sŵn Amgylcheddol (Nodi Ffynonellau Sŵn) (Cymru) 2007 - i'w hystyried o dan Reol Sefydlog 15.3(v).

Trafododd y Pwyllgor adroddiad drafft y Cynghorwyr Cyfreithiol. Yng ngoleuni'r ymateb a gyflwynwyd ar ran Gweinidogion Cymru a oedd yn awgrymu nad oedd y broses nodi'n cydymffurfio'n llawn â pholisi domestig, cydymffurfiwyd â'r gofynion yn ymwneud â chyflwyno adroddiad i'r Comisiwn Ewropeaidd.

Nododd y Pwyllgor yr adroddiad ond penderfynodd, yng ngoleuni cynnwys yr ymateb, beidio â gwahodd y Cynulliad i dalu sylw arbennig i'r Rheoliadau hyn o dan Reol Sefydlog 15.3(v).

### **Gohebiaeth y Pwyllgor**

**Ymateb Carwyn Jones AC, y Cwnsler Cyffredinol, i'r llythyr gan gadeirydd y Pwyllgor Is-ddeddfwriaeth mewn perthynas â'r amserlen a awgrymir yn y derminoleg.**

**Trafododd y Pwyllgor ymateb Carwyn Jones AC, y Cwnsler Cyffredinol, i'r llythyr gan Gadeirydd y Pwyllgor Is-ddeddfwriaeth mewn perthynas â'r amserlen a awgrymir yn y derminoleg. Roedd yr Aelodau'n fodlon ar ymateb y Cwnsler Cyffredinol.**

#### **Mesur Arfaethedig ynghylch Gwneud lawn am Gamweddau'r GIG (Cymru) 2007 - y wybodaeth ddiweddaraf**

Trafododd y Pwyllgor y sefyllfa bresennol o ran Mesur Arfaethedig ynghylch Gwneud lawn am Gamweddau'r GIG (Cymru) 2007 yng ngoleuni'r ddadl arfaethedig a gynhelir yn y Cyfarfod Llawn ac adroddiad y Pwyllgor ar y Mesur. Penderfynodd yr Aelodau efallai y bydd y Pwyllgor yn edrych ar

y Mesur hwn eto yn ystod diwedd Cyfnod 2, yn dibynnu ar waith craffu'r Pwyllgor ar y Mesur yn ystod y cyfnod hwn.

### **Unrhyw fater arall**

Cytunodd yr Aelodau mewn egwyddor ar ddyddiad ac amserlen ddrafft yr ymweliad â Phwyllgor Is-ddeddfwriaeth Senedd yr Alban i gymharu arferion, cyfnewid profiadau a thrafod gwaith y Pwyllgor.

### **Dr Dai Lloyd AC**

Cadeirydd y Pwyllgor Is-ddeddfwriaeth

### **29 Ionawr 2008**